

**PROGRAMA DE AXUDAS PARA  
O DESENVOLVEMENTO DE  
ACTIVIDADES DEPORTIVAS E  
CULTURAIS**

---

**CONCELLO DE MUROS  
2010**



**02**

**Modalidade  
Deporte**



## BASES PARA A CONCESIÓN DE SUBVENCIÓNS A CLUBS E A ENTIDADES SEN ÁNIMO DE LUCRO PARA O DESENVOLVEMENTO DE ACTIVIDADES DEPORTIVAS NO ANO 2010.

### Artigo 1.- FINALIDADE E OBXECTO.

Por medio das presentes bases preténdese desenvolver un plan de consolidación do tecido asociativo deportivo municipal co obxectivo xeral de garantir o desenvolvemento das actividades que participan ou promovan as entidades deportivas. A universalización da práctica deportiva ten un papel moi importante na sociedade, actuando de maneira transversal en moitos valores sociais de grande importancia para a mellora da calidade de vida dos cidadáns, e en especial acadar a xeneralización da práctica deportiva entre os nenos e nenas, facilitando o seu acceso á práctica deportiva a través da consolidación da igualdade de oportunidades no deporte.

É necesario apoiar as actividades e a participación dos clubs en ligas ou campionatos oficiais de ámbito galego, nacional ou internacional, e tamén ás entidades que contribúen de forma importante ao desenvolvemento e promoción do deporte. Todas estas entidades deben conxugar o seu traballo de forma harmónica e complementaria para consolidar todos os itinerarios do deporte, desde a formación base, pasando pola competición, ata o alto rendemento deportivo, o que no seu conxunto cumpre un importante papel na formación educativa dos mozos e mozas nas respectivas disciplinas onde desenvolven a súa actividade.

Tendo en conta todo isto, a Concellaría de Cultura, Deporte, Educación e Xuventude, convoca axudas económicas para a participación ou desenvolvemento de programas deportivos con cargo á aplicación orzamentaria 341.48900 dos presupostos municipais do Concello de Muros para o ano 2010.

### Artigo 2.- SOLICITANTES.

Poderán optar aos programas contidos na presente convocatoria os clubs e entidades que cumpran os seguintes requisitos:

- Carecer de fins de lucro.
- Estar rexistrados no Rexistro de Asociacións de Galicia.
- Desenvolver as súas actividades no ámbito territorial do municipio ou sobre temas de interese para o municipio.
- Non estar incurso en ningún dos supostos de incapacidade ou incompatibilidade para a percepción de axudas ou subvencións públicas.
- Estar ao día nas súas obrigas tributarias e coa Seguridade Social.

### Artigo 3.- CONDICIÓNES.

3.1.- A concesión das subvencións realizarase en réxime de concorrencia competitiva.

3.2.- As entidades e clubs só poderán presentar un proxecto, deberán optar pola **modalidade de**





**cultura ou pola modalidade de deporte.**

3.3.- O Concello de Muros poderá conceder subvencións ata un importe **máximo de 1.500 €** por sección (enténdese por sección cada unha das modalidades deportivas en que se divide a entidade, por exemplo “atletismo”, “hóckey”, “remo”, “fútbol - sala”,...) no caso de clubs participantes en campionatos oficiais, **e 1.500 € para o resto de entidades.**

3.4.- Ademais, a actividade ou investimento deberá contar cun **financiamento propio** pola entidade de, polo menos, o **10% do seu importe.**

3.5.- **Declaración doutras axudas** para a mesma finalidade.

3.6.- Os clubs deportivos federados e o resto de entidades subvencionadas a través desta orde deberán realizar as actividades e cumprir coas obrigas que se sinalan de seguido:

- **Facer constar en toda publicidade xerada a imaxe corporativa do Concello de Muros.**

#### **Artigo 4.- DOCUMENTACIÓN.**

As solicitudes deberán formularse nos modelos normalizados que se facilitarán no Centro Cultural e Xuvenil de Muros, ou na páxina web do Concello de Muros: [www.muros.es](http://www.muros.es)

Achegarase tamén a seguinte documentación:

##### **4.1.- Documentación xeral da entidade:**

1.- Fotocopia compulsada da tarxeta do CIF da entidade, agás se xa foi presentada no 2007, 2008 ou 2009.

2.- Fotocopia compulsada dos estatutos da entidade, agás se xa foi presentada no 2007, 2008 ou 2009.

3.- Fotocopia compulsada da tarxeta do NIF do representante, agás se é o mesmo que no 2007, 2008 ou 2009.

4.- Certificación orixinal acreditativa do acordo de solicitude e do **nomeamento do representante** para as súas relacións co Concello. (anexo IV)

5.- **Declaración** orixinal de estar ao corrente das obrigas tributarias e coa Seguridade Social (anexo V).

6.- **Certificación orixinal** dos datos bancarios da entidade.

7.- **Certificación do número de socios e licencias** en activo (anexo IV).

8.- **Declaración orixinal do representante** de non estar incurso en causas de incompatibilidade ou incapacidade para contratar e percibir subvencións da Administración pública e de aceptación das bases da convocatoria (anexo V).

9.- **Compromiso da entidade de facer constar a colaboración de Concello de Muros** en toda a información que realice do desenvolvemento das actividades ou inversións (anexo V).

##### **4.2.- Documentación específica da subvención:**

10.- **Memoria explicativa** da actividade ou investimento que se vai realizar, que fará mención ás persoas beneficiadas directa ou indirectamente pola axuda, o calendario fixado e o compromiso





de uso do galego na publicidade xerada da actividade.

11.- **Orzamento** estimativo de ingresos e gastos (anexo II).

12.- **Número de equipos por categoría, licencias por categoría, nivel da competición** e equipos femininos participantes en competicións organizadas por entidade oficialmente recoñecida ou Federación Deportiva correspondente.

A documentación que se entregue en fotocopia deberá estar debidamente compulsada.

O defecto, erro ou ausencia na presentación da documentación á que se refire esta base 4 deberá ser corrixido no prazo de dez días dende a recepción do requirimento, de non facelo arquivarase a solicitude e non terá dereito á reclamación.

### Artigo 5.- LUGAR E PRAZO DE PRESENTACIÓN DE SOLICITUDES.

As solicitudes presentaranse no **Rexistro Municipal do Concello de Muros** ou no caso de ser enviado por correo deberá constar a data na solicitude por parte de Correos.

O prazo de presentación de solicitudes será dende **o día 10 de maio ata o 10 de xuño de 2010**.

### Artigo 6.- RESOLUCIÓN DOS PROGRAMAS.

A concesión das subvencións realizarase mediante un réxime de concorrencia competitiva, por resolución da Xunta de Goberno Local, á proposta motivada da comisión avaliadora.

A comisión avaliadora estará composta polos seguintes membros:

#### - PRESIDENTE:

Concelleira de Cultura, Deporte, Educación e Xuventude ou persoa na que delegue.

#### - VOGAIS:

Concelleira de Promoción Económica ou persoa na que delegue

- Un membro designado polo Alcalde do Departamento de Cultura, Deporte, Educación e Xuventude.

- Na comisión actuará como secretario/a, con voz pero sen voto, o secretario municipal ou persoa na que delegue.

#### 6.1.- Valoración das solicitudes.

A selección das peticións e a contía das subvencións determinarase unha vez consideradas as actividades e investimentos que se van realizar, ponderando as seguintes circunstancias:

##### a) Clubs:

-En categorías absolutas: número de equipos, deportistas e relevancia da competición en que participan en función da súa natureza e ámbito territorial.

-Ata categoría xuvenil: número de equipos, deportistas e relevancia da competición na que participan en función da súa natureza, ámbito territorial.

-En todas as categorías femininas, número de equipos, deportistas e relevancia da competición





en que participan en función da súa natureza e ámbito territorial..

-Número de quilómetros previstos.

**b) Resto de entidades organizadoras de actividades deportivas:**

A comisión valorará os expedientes consonte os seguintes criterios:

- a) Calidade, interese, orixinalidade e carácter innovador do programa ou actividade desde o punto de vista deportivo.
- b) Número de medios materiais necesarios para a execución do programa.
- c) Carácter continuado e non ocasional do proxecto.
- d) Potencial número de beneficiarios/as do programa ou actividade.
- e) Repercusión territorial do programa ou actividade.
- f) Nivel de autofinanciamento do programa ou actividade.
- g) Carácter social e integrador
- h) Emprego da lingua galega na publicidade do proxecto.

**6.2.- Notificación e publicidade da resolución.**

A resolución de concesión deberase notificar expresamente a todos os solicitantes de forma fidedigna; as subvencións concedidas publicaranse na páxina web do Concello de Muros, [www.muros.es](http://www.muros.es).

Contra a desestimación expresa ou presunta das solicitudes presentadas poderán formularse os recursos que procedan.

**Artigo 7.- XUSTIFICACIÓN E PAGAMENTO.**

**7.1.- Prazo de xustificación.**

O prazo para a xustificación das subvencións finalizará o **15 de xaneiro de 2011**. As subvencións outorgadas serán abonadas a medida que sexan xustificadas.

Se non se presenta a xustificación dentro de prazo, iniciarase o expediente de anulación do correspondente compromiso.

**7.2.- Consideracións xerais.**

- As subvencións aboaranse despois da xustificación dos gastos.
- A cantidade a xustificar será: a cantidade outorgada máis a porcentaxe de autofinanciamento marcada pola propia entidade que será un mínimo do 10% da cantidade outorgada.
- O importe das subvencións concedidas, en ningún caso, poderá ser de tal contía que, en concorrencia con subvencións ou axudas doutras Administracións públicas ou entidades privadas, supere o custo da actividade que desenvolverá o beneficiario.
- Para o cobro da subvención as entidades deberán estar ao corrente das súas obrigas fiscais co Concello de Muros, situación que determinará de oficio o propio Concello, a través do Servizo de Intervención.

Así mesmo, as entidades deberán acreditar que están ao corrente nas obrigas tributarias e coa Seguridade Social.





### 7.3.- Documentación xustificativa.

Para o cobro da subvención as entidades deberán presentar a seguinte documentación:

\* **Memoria de actuación xustificativa** do cumprimento das condicións impostas na concesión da subvención, con indicación das actuacións realizadas e resultados obtidos, acompañada de publicidade (carteis, trípticos, ...) para a mesma. No caso de non realizar publicidade, **deberá presentar unha declaración na cal se manifeste que a entidade non realizou ningún tipo de publicidade.**

\* **Relación detallada das subvencións ou axudas obtidas doutras Administracións públicas ou entidades privadas** para o mesmo obxecto ou, pola contra, declaración de non ter outras subvencións públicas ou privadas para o mesmo obxecto.

\* **Facturas orixinais ou copias debidamente compulsadas.**

Así mesmo, no caso de concorrencia de subvencións públicas que se atopen xustificadas, poderá achegarse certificación da Administración outorgante, na que se detallan os conceptos subvencionados e os importes xustificados e período ao que se refiren os gastos.

## Artigo 8.- INCUMPRIMENTOS E SANCIÓN.

Vencido o prazo de xustificación sinalado na base 7.1 ou, no seu caso, a prórroga, sen que a entidade presentara a documentación xustificativa, requirirase para que a presente no prazo improrrogable de quince días.

A falta de presentación da documentación neste prazo suporá a perda da subvención e demais responsabilidades previstas na Lei Xeral de Subvencións.

Disposición adicional primeira

Con carácter xeral admitiranse fotocopias sempre que veñan compulsadas:

\* Diante de notario.

\* Polo secretario do concello ou funcionario habilitado ao efecto.

\* Polo Rexistro doutros organismos públicos, naqueles casos nos que se presenten os documentos a través doutros organismos públicos que estean autorizados a efectos de rexistro.

